



ՀԱՍՏՈՒՄ ԵՄ
ՄՐԳԱՍՏԱՆԻ ԳՅՈՒՂԱԿԱՆ ՀԱՄԱՅՆՔԻ
ՂԵԿԱՎԱՐ՝ Ռ. ԽԱՉԱՏՐՅԱՆ
10 հունիսի 2012թվական

**Հ.Հ. ԱՐՄԱՎԻՐԻ ՄԱՐԶԻ ՄՐԳԱՍՏԱՆԻ ԳՅՈՒՂԱԿԱՆ ՀԱՄԱՅՆՔԻ
ՂԵԿԱՎԱՐԻ 2012Թ-Ի ԱՌԱՋԻՆ ԿԻՍԱՄՅԱԿԻ ՀԱՂՈՐԴՈՒՄԸ
ԲՅՈՒՋԵՅԻ ԸՆԹԱՑՔԻ ՄԱՍԻՆ**

Հարգելի պարոն՝ Վ. Սկրտչյան

Հարգելի ավագանու անդամներ և հյուրեր, Ձեզ եմ ներկայացնում Արմավիրի մարզի Մրգաստանի գյուղական համայնքում 2012թ. առաջին կիսամյակի բյուջեի կատարման ընթացքի մասին հաղորդում, բյուջետային օրենսդրությամբ սահմանված ժամկետում կատարված աշխատանքների վերաբերյալ:

Իմ կողմից ապահովվել է գյուղապետարանի աշխատակազմի անխափան աշխատանքը: Աշխատակազմի քարտուղարի կողմից կատարվել է հետևյալ աշխատանքները՝

Համայնքի ավագանու նիստերի նախապատրաստումը, ավագանու անդամների ծանուցումը, նիստերի արձանագրումը և նիստի ներկա ավագանու անդամների կողմից արձանագրության վավերացումը:

Կազմակերպվել է քաղաքացիների ընդունելություն համայնքի ղեկավարի, աշխատակազմի քարտուղարի և ավագանու անդամների մոտ: Ընդունելության եկած քաղաքացիներից 40 դիմումներին տրվել է սպառիչ պատասխան, դրանցից 2-ը եղել են անձնական բնույթի, 38-ը սոցիալական բնույթի: Ընդհանուր առմամբ, որպես սոցիալական օգնություն բնակչությանը տրվել է՝ 725,0 /յոթ հարյուր քսան հինգ հազար/ դրամ:

Ղեկավարվելով «ՏԻՍ» Հ.Հ. օրենքի պահանջներով իմ կողմից իրականացվել է օրենքով սահմանված մի շարք պարտադիր լիազորություններ: Հաշվետու ժամանակաշրջանում վերահսկողություն է իրականացվել հողի և գույքահարկի հարկատեսակների հավաքագրման աշխատանքների նկատմամբ:

Հողի հարկը առաջին կիսամյակի կտրվածքով կազմում է 2250.0 հզ. դիմաց հավաքագրվել է՝ 489.3 հզ. դրամ:

Գույքահարկ շենք շինությունների գույքահարկը՝ 75.0 հզ. դիմաց հավաքագրվել է՝ 1.1 հզ. դրամ:

Փոխադրամիջոցների համար՝ 500.0 հզ. դիմաց, հավաքագրվել 283.2 հզ. դրամ: Տեղական տուրքերի դիմաց՝ 35.0 հզ. դրամի դիմաց, հավաքագրվել է՝ 13.5 հզ. դրամ:

Վարձակալական հողի հարկ՝ 150.0 հզ. դրամի դիմաց, հավաքագրվել է՝ 29.9 հզ. դրամ:

1.Քաղաքացիների տնտեսվարող սուբյեկտների իրավունքների պաշտպանության բնագավառում իրականացվել է համայնքի ղեկավարի պարտադիր լիազորություններ:

2.Ֆինասների բնագավառում ավագանու հաստատմանն է ներկայացվել բյուջեի երկու փոփոխություն, որը փորձաքննության է ուղարկվել:

Արդարադատության նախարարություն և մարզպետարան օրենքով սահմանված կարգով:

2.1 Տրվել է ֆինանսական օգնություն, որպես ճանապարհածախս Արտակ Մարգարյանին ռազմական հմտությունների կատարելագործման, վերապատրաստման, վարժական հավաքներին մասնակցելու համար 20.0 /քսան հազար/ դրամ:

3. Քաղաքաշինության և կոմունալ տնտեսության բնագավառում՝ կատարվել են հետևյալ աշխատանքները.

3.1 Համայնքում աղբահանությունը անցել է բնականոն վիճակի, շաբաթական երկու անգամ, կնքված պայմանագրի հիման վրա էջմիածնի քաղաքապետարանի բնակ-կոմունալ վարչության հետ:

3.2 Համայնքում գործող գերեզմանատան աշխատանքները իմ կողմից վերահսկվում են:

3.3 Իմ կողմից տրվել է երկու շինարարության թույլտվություն՝ օրենքով սահմանված կարգով:

Մուծվել է պետական տուրք՝ 30.0 /երեսուն հազար/ դրամ:

Իմ կողմից վավերացվել է մեկ կտակ, մուծվել է պետական տուրք 5.0 /հինգ հազար/ դրամ:

Սահմանված կարգով բնակչությանը իրազեկվել է ծրագրվող քաղաքաշինական փոփոխությունների, կառուցապատման հետ կապված օրենսդրական փոփոխությունների մասին:

Այդ առումով՝ համայնքի երկու բնակիչներ, վերականգնել են իրենց սեփականության իրավունքը մեր միջնորդությամբ և ստացել վկայականներ:

Հողօգտագործման բնագավառում՝

Իրականացվել է վերահսկողություն համայնքի վարչական սահմաններում գտնվող հողերի նպատակային օգտագործման և հողօգտագործողների կողմից հողային օրենսդրության պահանջների պահպանման նկատմամբ:

Կատարվել է նաև հողաչափական աշխատանքներ, բնակիչների դիմումների հիման վրա:

Կրթության և մշակույթի բնագավառում իմ կողմից մշտական ուշադրության է արժանանում գյուղի միջնակարգ դպրոցը: Գյուղի դպրոցում իրականացվող միջոցառումները արժանանում է գյուղապետարանի աջակցությանը: Գյուղապետարանի ներկայացուցիչը, որը ընդգրկվել միջնակարգ դպրոց ՊՈԱԿ կոլեգյալ մարմնի խորհրդի կազմում /Ա. Խաչատրյան/ պահպանում է կապը դպրոց գյուղապետարան օղակում:

Երեխաների ակտիվ հանգիստը կազմակերպելու նպատակով, մասնագետի հետ կնքվել է աշխատանքային պայմանագիր, որը զբաղվում է համայնքի երեխաների ֆիզիկական կուլտուրայի և սպորտի բնագավառում ֆուտբոլ մարզաձևի զարգացմամբ:

Վերջին զանգի միջոցառումների կազմակերպման համար գյուղապետարանը կատարեց, իր համեստ ներդրումը 50.0 /հիսուն հազար/ դրամի չափով:

Համայնքում նշվել է «Տյառն ընդառաջի» տոնը, որի միջոցառումը ուղեկցվել է համայնքում 7 նորաստեղծ ընտանիքներին արժեքավոր նվերների տրամադրմամբ, 105.0 /հարյուր հինգ հազար/ դրամի սահմաններում:

Կազմակերպվել է մարտի 8-ին նվիրված միջոցառում, որի ժամանակ համայնքի կենսաթոշակառու կանանց, մանկավարժներին, բուժ. աշխատողներին, ինչպես նաև գյուղապետարանի կին աշխատակիցներին նվիրվել է նվերներ, 324.0 /երեք հարյուր քսանչորս հազար/ դրամի սահմաններում:

Համայնքում նշվել է մայիսի 28-ի Հանրապետության տոնին նվիրված միջոցառումներ, համայնքը մասնակցել է նաև Սարդարապատի միջոցառումներին, 99.3 /ինսուն ինը հազար երեք հարյուր/ դրամ:

Համայնքում իրականացվել է վերանորոգման աշխատանքներ, մասնակի վերանորոգվել է գյուղ մտնող ճանապարհը: Ձեռք է բերվել ասֆալտ, մեր ուժերով իսկ աշխատուժի վրա ծախսվել է 73.0 /յոթանասուն երեք հազար/ դրամ: Աշխատակազմի աշխատանքները բնականոն կազմակերպելու համար, ձեռք ենք բերել՝ տպիչ 45.0 /քառասուն հինգ հազար/ դրամ արժողությամբ:

Գյուղատնտեսության բնագավառում՝ աջակցել ենք գյուղատնտեսական աշխատանքների կազմակերպմանը, գյուղացիներին բաժանվել է պարարտանյութ իսկ հետագայում տրվել են համապատասխան տեղեկանքներ, որպեսզի գյուղացին կարողանա անարգել տեղափոխի իր բերքը:

Գյուղապետարանի ամենօրյա հսկողության տակ է գտնվում գյուղի հուշարձանը, որի տարածքը խնամվում և պահպանվում է սեզոնային աշխատակցի կողմից: Կատարված աշխատանքները այսքանն են:

